

DIE XIV. APRILIS.

IN FESTO

B. PETRI GONZALEZ
SANCTI TELMI

Confessoris.

DUPLEX MAJUS.

Omnia de Comuni
Conf. non Pontif. præ-
ter propria.

Oratio.

Deus, qui in Maris
periculis constitu-
tis Beati Petri opem sin-
gularem ostendis, ejus
nobis intercessione con-
cede, ut in hujus vitæ
procellis tuæ gratiæ
lumen semper afful-
geat, quo æternæ sa-
lutis portum invenire
valeamus. Per Domi-
num, &c.

IN II. NOCTURN.

Lectio iv.

Petrus Gonzalez, San-
ctus Telmus vul-
gò appellatus Fromestæ
in Hispania apud Pa-
lenciam piis, ac nobili-
bus parentibus ortus
est. Adolescens sub
Episcopi Palentini avu-
culi sui cura ingenuis
Artibus, & Philosophiæ
operam dedit, ingenio
ad præclara quæque
aptissimo: Sed ejusdem
Ecclesiæ Canonicatu, &
mox etiam Decanatus
dignitate auctus, ho-
norum, ac divitiarum
illècebris juveniliter
abreptus, Sæculi vani-
tati

In primo Nocturno
Lectio. B. catus vir, de
e. c. Conf. non Pontif.

tati paulò liberius indulfit. Accidit verò, ut cum ipso Dominicæ Nativitatis die equo splendide phalarato æqualium comitatu totam Urbem lascivens circumcursaret, equo in profundum lutum repente prolapso, dejectus ipse, multoque cæno inquinatus, spectantium risu, sanisque exceptus sit: quo insigni pudore suffusus, & Mundi, cui placere studuerat, contumeliam reputans, se vicissim; à quo spretus esset, spreturum constituit. Igitur paulò post, magna omnium admiratione in Prædicatorum Ordinem se se recèpit, ubi vèterem hominem cum actibus suis exuens, novumque induens, eximie posuit tyrocinia Sanctitatis.

v. Honestum fecit illum Dominus, & custodivit eum ab inimicis, & à seductoribus

tutavit illum: * Et dedit illi claritatem æternam.

v. Justum deduxit Dominus per vias rectas, & ostendit illi regnum Dei. Et dedit.

Lectio v.

AD cæteras autem virtutes, quibus brevi magnoperè excelluit, Charitatem attulit, Proximorum salutis cupidissimam: quare absoluto Sacrarum litterarum studio, Sancto Patre Dominico ad imitandum sibi proposito, prædicationi se totum dedit, nihil à Deo impensius flagitans, quàm ut revocandis in viam salutis animabus perditis idoneas efficeretur. Severissimam, Apostolico more, eo in munere paupertatem exercuit. Quocumque exciperetur hospitio non inde prius exhibat, quàm Incolas om-

omnēs sacra Exhomo-
logesi expiasset. Sermo
illi vivus, & efficax,
quo audientium corda
adeò pervadebat, ut
per eas, quas Aposto-
lico zelo peragravit
Hispaniæ Provincias,
innumeros ferè Pecca-
tores ad pœnitentiam
adduxerit. Ferdinandum
Regem cognomento
Sanctum, in varias ad-
versus Mauros expedi-
tiones euntem sequutus,
consiliis, exemplo, &
orationibus mirificè ju-
vit. Venustas fœminas
ejus amore captas, alias-
que procaciores ad eum
immissas, ut pudicitia
ejus insidias struerent,
non solùm strenuè re-
pulis, sed etiam ad me-
liorem vitæ frugem
convertit.

✠. Amavit eum Do-
minus; & ornavit eum,
stolam gloriæ induit
eum. ✠ Et ad portas
paradisi coronavit eum.

✠. Induit eum Do-
minus loricam fidei, &

3
ornavit eum. Et ad por-
tas.

LECTIO VI.

Minio Flumini pro-
pè Ribadaviam
longè rapido, atque
effuso, publica tran-
seuntium utilitate pon-
tem amplissimum ferè
miraculo imposuit, acci-
ta ad òperis molitionem
ingenti Structorum ma-
nu, quibus cùm cibus
aliquando deficeret,
evocatos quotquot iis
reficiendis sufficerent
piscis, manuque præ-
hensos iisdem præbuit.
Sed, & Socios labòre
itineris, atque inedia
ferè deficientes pane, &
vino cœlitus suppedita-
tis, recreavit. Adhuc
vivens, in sævissima
Maris procella à Nautis
invocatus, iis se conspi-
cium exhibuisse, tem-
pestatemque sedasse
perhibetur. Prophetico
Spiritu futura multa
prænuntiavit, atque in
primis extremam vitæ

4
suam diem, quo adven-
tante in Tudensem se se
Urbem recèpit, ubi mè-
ritis, & laboribus ple-
nus sancto sine quievit.
Ejus corpus honorifico
Sepulcro ab Episcopo
Tudensi conditum est,
unde miræ fragrantia
oleum emanasse, tradi-
tur, Aegris saluberrimū.
Ejus miraculorum fama
ad remotas usque Ame-
ricæ Regiones perva-
gata, ingenti Populo-
rum veneratione invo-
cari, & coli cæpit; à
Nautis cum primis, qui
ejus opem in Maris tem-
pestatibus, præsentissi-
mam experti, cum sub
appellatione Sancti Tel-
mi in Tutelarem sibi
adsciverunt. Illius cul-
tum continentèr propa-
gatum approbavit Be-
nedictus Decimus Quar-
tus, eusque Festum
cum Officio, & Missa
ab universo Prædicato-
rum Ordine, nec non à
Clero Palentino, & Tu-
densi celebrati conces-
sit.

✠. Ille homo perfe-
cit omnia, quæ locutus
est ei Deus; & dixit ad
eum: Ingredere in re-
quiem meam. ✠ Quia
te vidi justum coram me
ex omnibus gentibus.

✠. Ille est, qui con-
tempnit vitam mundi, &
pervenit ad cœlestia
regna. Quia te vidi
Gloria Patri. Quia te.

IN III. NOCTURN.

Lectio S. Evangelii
secundum Matth.
Cap. 10.

IN illo tempore: di-
xit Jesus Discipu-
lis suis: Euntès prædi-
cate dicentes: quia ap-
propinquavit Regnum
Cœlorum. Et reliqua.
Homilia S. Joannis
Chrysoptomi.

In Hom. 33, in Matthe
Lectio vii.

Considera, qualiter
Dominus non mi-
no-

norem curam habet, ut mores eorum in melius reducat, quam ut signorum præbeat potestatem. Nam ut ostendat, absque nobilitate morum, nihil signa valere; utque in nullum fastum animi, atque tumorem inciderent: gratis, inquit, accepistis: deinde, ne cupiditate pecuniarum moverentur, intulit, gratis date. Nam ne quasi sua ipsorum potestate miracula facientes, inde superbirent, gratis, dixit, accepistis; nihil largimini iis, qui vos recipiunt. Non enim tamquam mercedem vestris laboribus debitam, ista accepistis: mea enim est gratia. Sic igitur aliis quoque hæc beneficia, quorum nullum potest condignum præmium inveniri, gratis date.

Re. Iste est, qui ante Deum magnas virtutes operatus est, & de omni corde suo laudavit

Dominum, * Ipse intercedat pro peccatis omnium populorum.

v. Ecce homo sine querela, verus Dei cultor, abstinens se ab omni opere malo, & permanens in innocentia sua. Ipse intercedat.

Lectio viii.

Post hæc, cum radicem omnium malorum voluerit evellere, vitiorumque fundamentum diruere: non possideatis, inquit, aurum neque argentum, neque pecunias in zonis vestris: non peram in via, nec duas tunicas, neque calceamenta, neque virgam. Non dixit, non accipiatis vobiscum; sed non possideatis: ut si & aliundè recipere possent, recusarent tamen, ac perniciosam hanc aegritudinem fugerent. Quo deinde præcepto multa profectò compleretur commoda. Primum,

mū, ut nulla de discipulis possit esse suspicio: deinde ab omni sæculari cura sic ipsos liberos reddit ut prædicationi solum vacare possint, demum immensam: suam potentiam ipsis patefacit: quod & postea commemoravit, dicens: Nunquid vobis tunc aliquid defuit, quando vos nudos absque calceis misi?

R. Sint lumbi vestri præcincti, & lucernæ ardentes in manibus vestris. Et vos similes hominibus expectantibus Dominum suum, quando revertatur à nuptiis.

V. Vigilate, ergo, quia nescitis, qua hora Dominus vester venturus sit. Et vos. **Gloria Patri. Et vos.**

Lectio ix.

Illud etiam consideratione dignum est, quod non incipiens sta-

tim dixit: Non possideatis aurum, neque argentum: sed cum prius mundandi leprosos, eiciendi dæmonia, potestatem eis dederit, tunc intulit: Nihil possideatis, gratis accepistis, gratis date. Sic rebus ipsis docuit, utilia se & honesta, & facilia factu eis præciperet. Sed inquires, cætera quidem non absque ratione certa dicta esse: quid autem ut peram non habeant in via, nec duas tunicas, nec virgam, nec calceamenta, quam de causa eis injunxit? Exactissimè certè sublimioris vitæ fundamenta voluit jàcere: sic & in superioribus, nullam de crastina die curam ipsos habere hortatur.

Te Deum laudamus.

Missæ propria.

Dicit Dominus.

HISPANIARUM.

7.

Porrectis SS. D.N. Benedicto Papæ XIV. precibus à R. P. D. Ildefonso Clemente de Arozequi, nomine Catholici Hispaniarum Regis, ut Officium proprium cum Missa sub ritu duplici primæ Classis cum Octava, in honorem Beati Petri Gonzalez, vulgò San-Telmi nuncupati, pro Civitate & Diocesi Tudensi jam concessam, extendere dignaretur ad omnes Hispaniarum Dioceses, Sanctitas sua pro gratia extensionis Officii, & Missa, prout petitur sub ritu majori tantum, ad omnes præfatas Dioceses benignè annuit, Die 18. Septembris 1748.

Loco ✠ Sigilli,

D. F. Cardinalis Tamburinus,

Præfatus.

T. Patriarcha Hierosolymitanus,

Secret.

